



Taglier la ramma da las Bos-cha e preparativs generels per l'Inviern sül territori Cumünel da Segl

In vista a l'inviern dumandainsa als abitants da la vsch이나uncha da Segl d'observer las seguentas prescripcziuns:

Per eviter impedimaints e prievels pels utiliseders da vias (servezzan d'inviern, transport d'immundizchas, trafic public, peduns e.o.p.) stu gnir taglieda la bos-cha e la fruschaglia lung las vias ufficielas e vias chi vegnan druedas da veiculs publics i'l territori abito, e que uschè cha la ramma nu taundscha pü aint il spazi da la via (art. 9 da la ledscha da pulizia da Segl ed art. 21 da l'ordinaziun davart las vias dal chantun Grischun). Ad es d'eviter ch'utiliseders da vias vegnan periclitos tres bös-chs chi cupichan u ramma chi rumpa giò suot la chargia da naiv. L'igluminaziun da las vias e las tevlas da trafic nu suos-chan gnir zugliedas da plauntas. Lung las vias e marchapès ufficiels stöglan gnir alluntanos eir ogets na fixos chi markeschan cunfins da plazzas (recipients da lain, craps pü pitschens etc.).

Ils proprietaris da terrain cunfinant a la via vegnan dumandos da fer quistas laviors fin la fin dals 31. october 2024. In cas ch'els nun observan quista prescripcziun, s'arsalva la vsch이나uncha il dret da taglier la ramma a cuost dals proprietaris pertuchos.

La ramma taglieda po gnir deponeda fin il pü tard la fin dals prüm november 2024 tar la piazza da cumpost tar la sarinera Segl al Lej da Silvaplauna (vart dal süd da la sarinera). Scha la quantited surpassa 1.5 m³, stu gnir fatta ün'annunzcha tal mneder da l'uffizi da fabrica (079 521 98 92). Ad egen quint po eir gnir incumbenzo il silvicultur da revier (081 826 59 33).

Impü es da pisserer cha'ls sbuchins da las channels sajan drizzos uschè ch'els nu condüan l'ova sün vias e sendas ufficielas düraunt ils mais d'inviern. Quistas laviors haun da gnir fattas fin la fin dals 31. october 2024. Zieva quista data faro la grupper da laver quetaunt a cuost dal proprietari.

Eir las saivs da pascul haun da gnir alluntanedas. Tenor l'art. 95 da la ledscha da fabrica resp. l'art. 17 da l'uorden d'alp e pascul stöglan saivs da pascul gnir alluntanedas respectivmaing missas per terra zieva la perioda da pasculaziun.

L'administraziun cumünela da Segl



GEMEINDE VSCHINAUNCHA
7514 SILS i.E./SEGL

17.09.2024/ SILS i.E./SEGL